



故宮珍本叢刊

欽定內務府則例二種

第三冊
共五冊

故宮博物院編 海南出版社

故宮珍本叢刊第 308 冊清代則例

故宮博物院編

欽定總管內務府 現行則例二種

第三冊（共五冊）

海南出版社



圖書在版編目(CIP)數據

欽定國子監志/(清)李宗昉等修. - 影印本. - 海口:海南出版社, 2000. 6

(故宮珍本叢刊)

本書與“欽定宗人府則例/(清)宗人府纂”等 55 種書合訂

ISBN 7-80645-666-X

I. 欽… II. 李… III. 法規-彙編-中國-清代 IV. Z121.7

中國版本圖書館 CIP 數據核字(1999)第 68754 號

故宮珍本叢刊第 308 冊

清代則例

欽定總管內務府現行則例二種

第三冊(共五冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:27.5 印數:1-400 冊

ISBN 7-80645-666-X/Z·15

定價:10760 元(清代則例 56 種共 66 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

欽定總管內務府現行則例目錄

清漪園

額設員役數目

公費額例

三園選補員役

三園考察官員

迴避司員

奏銷房地租

歲修事宜

行取物件事宜

河道船隻

各寺廟香供事宜

鈐用印信

移送查覈

彙領公費錢糧

行文註銷

移會事宜

稽察園戶事宜

欽定總管內務府現行則例

清漪園

額設員役數目

乾隆十五年三月奉

旨甕山著名萬壽山金海著名昆明湖將此通行

曉諭中外知之欽此 六月

奉宸苑

奏准

萬壽山新建

行宮並廟宇所有看守陳設承應掃除等差於

瀛臺等處園戶內酌派六名其撥派之缺另行挑

補至派給之園戶六名俟

萬壽山工程告竣即歸入

萬壽山宮殿應添人役數內一併辦理再照管

行宮河道管轄開軍於領催內委放八品虛銜催

總一名照依內務府司院無品級頭目之例給

與三兩錢糧並於蘇拉內揀選二名作為効力

領催仍令各食蘇拉錢糧 十六年四月

萬壽山新建

行宮奉

旨命名清漪園欽此 閏五月總理工程事務大臣等

奏請遵

旨修建

萬壽山大報恩延壽寺並

清漪園各所殿宇房座以及

景明樓鳳凰墩鑑遠堂等處工程業已告竣其看

守打掃並預備陳設一切差務請照

圓明園之例添設六品總領三員七品副總領三

員八品副總領三員筆帖式六員園隸十二名

園戶一百六十名招募各行匠役二十名奉

硃批萬壽山等處著設六品總領一員七品副總領二

員八品副總領二員筆帖式四員園隸六名園戶一

百名招募各行匠役十名欽此 八月

奉宸苑容本苑額設閘軍內遵

旨擬給

清漪園一百名作為本處額缺 十月本處

奏請遵

旨會同管理

奉宸苑事務王大臣等酌定各該地方邊界除青

龍橋閘座外自鳳凰墩以北青龍橋以南至

靜明園一帶湖西河道隄岸橋閘船隻絳撥割除

竿草等項差務俱隸

清漪園管理照

奉宸苑例添設八品催總三員食二兩錢糧領催

八名令其管轄水手閘軍承應差務奉

硃批著添八品催總一員領催四名欽此 十二月呈

准

清漪園新添園隸園戶並招募各行匠役等照

圓明園例自本年為始每逾五年各得給老羊皮

十張粗白布二丈移咨廣儲司關給 十七年

三月呈准本處筆帖式內委放掌稿筆帖式一

員 是月呈准現設食二兩錢糧領催四名內

委放委署催總二名承應河道差務 十八年

二月軍機大臣

奏准照管理本處事務大臣等所奏於

上駟院撥給七品牧長六員對品用為

清漪園七品副總領其食三兩錢糧八品頂戴副

牧長六名無品級牧副十二名俱作為委署副

總領撥給

靜明園牧副六名其副牧長六名牧副六名俱畱

於

清漪園當差仍食原餉均照副總領之例得給公

費其牧副六名改用之委署副總領原無品級

嗣後此項缺出即作為園丁之缺照例挑補其

委署副總領之缺毋庸選補再食二兩錢糧之

牧丁八十名亦照所奏改名園丁仍食原餉分

給

靜明園二十名雷

清漪園六十名與園戶一同當差 三月管理織

染局事務大臣

奏請查織染局蠶戶十八名現當園戶之差不能

兼種稻田奉

旨蠶戶既當園戶之差著將園戶裁去十八名欽此於

靜明園園戶內裁去四名本園園戶內裁去十四

名 十九年閏四月總管內務府議

奏照

清漪園管理事務大臣等所請添設六品總領二

員與原設六品總領一員分派在

清漪園山前山後南湖三路著管理各該處所事

務再添設園戶八十名各行匠役十名分派在

新建

畫中遊水周堂等處看守應差添設園隸六名與

原有園隸六名分派在週圍一帶牆門六處看

守其原設閘軍一百名每月各僅支口糧米一

斛今每月各添給錢糧銀一兩奉

旨園戶著添六十名匠役不必添餘依議欽此 二十

二年七月奉

奏准

清漪園添設員外郎一員管理本處事務 二十

四年二月奉

旨萬壽山後大寺山前報恩延壽大寺著添園戶二十

八名欽此 閏六月會典館

奏准

園庭總領改爲苑丞副總領改爲苑副催總改爲

催長 九月奉

旨羅漢堂收拾活動羅漢並開花獻佛轉輪藏消息著

招募匠役二名給食園戶錢糧欽此 十二月掌儀

司呈准

清漪園文昌閣東邊小廟遵

旨酌派廟戶三名以供焚修其挑取責革之處由本園

自行辦理 二十五年十二月呈准

文昌閣東邊小廟本年正月添設廟戶三名伊等

差役與園戶無異照園戶例每逾五年一次各

給粗白布二丈老羊皮十張 二十六年七月

本處

奏准嗣後

三園委署苑副缺出俱帶領引

見補放仍食原餉添給公費再

清漪園園丁內挑選九名撥給

靜宜園所遺之缺作為園戶之缺本園另行挑補

三十四年六月本處

奏准

清漪園於六品苑丞內委派一員令其協同本處

員外郎管理事務再七品苑副內委派二員

賞給六品苑丞頂戴仍食原俸毋庸開缺令其在

靜明園

靜宜園協同員外郎管理事務 三十六年六月

奉

旨功德寺著交清漪園總管大臣派員管理添廟戶四

名欽此 四十二年四月本處

奏准

清漪園園丁內挑選四名撥給

靜宜園當差 四十五年十月總理

御船處事務大臣

奏請

清漪園承應船隻差務請將天津

皇船塢水手十名內撥派六名

圓明園藏舟塢水手十二名全行撥出並請賞給

水手三十名開軍二十名奉

旨皇船塢水手十名內著撥派六名藏舟塢水手十二名著全行撥出開軍著賞給十名水手不必添設欽

此 四十八年十一月本處

奏准

清漪園河道六品頂戴八品苑丞一缺改為六品

實缺估用內務府披甲人六名作為額缺 五

十四年五月呈准

清漪園現設食二兩錢糧領催二名委放委署催

長 嘉慶四年二月奉

旨清漪園外鑑遠堂藻鑑堂暢觀堂景明樓鳳凰墩治

鏡閣耕織圖七處首領太監撥往綺春園當差其鑑

遠堂等七處交管理清漪園大臣派本處官員人等

管理俟臨幸時仍著太監等接代當差伺候欽此

三月呈准

清漪園鑑遠堂等處遵

旨撤去太監所有承應一切差務應添園丁園戶請在

三園現有之園丁園戶開軍內通融撥派四十五

名在南湖等處當差內

清漪園撥派園丁七名園戶十一名開軍十名至

靜明園撥派園丁二名園戶六名

靜宜園撥派園丁五名園戶四名嗣後即作為本

園額缺 是月本處

奏准添設郎中一員令其協理

清漪園

靜明園

靜宜園事務 五年七月本處

奏准將

清漪園六品苑丞四員內撥給

靜明園一員作為該園額缺 七年四月本處具

奏撤去八品首領太監一名副首領太監一名太

監二十名給

圓明園當差撥添食二兩錢糧園丁十名食一兩

五錢錢糧米石園戶十名毋庸撥給地畝奉

旨所添園戶十名仍照例食一兩錢糧撥給地畝俟撥

撤太監後再行挑補餘依議欽此 十年閏六月本

處具

奏前經奉

旨清漪園總管首領太監全行裁撤所有添設官員園

戶照依靜明園裁撤太監之例辦理欽此查原設七

品總管太監二名八品首領太監二名副首領

太監六名太監六十八名今擬改添設六品苑

丞二員添設筆帖式四員柏唐阿八名專立內

檔房管理陳設一切事務擬添園丁五十名園

戶三十名開軍二十名再查園內各廟原設喇

嘛六十四名向屬總管太監管束今經裁撤其

喇嘛等亦應移出至按期喇嘛經需人無多請

旨將喇嘛酌留三十四名移於功德寺居住歸該園官

員管束按期進園喇嘛經其餘三十名撥回

寶諦寺仍食原錢糧遇該處缺出充補俟此三十

名補完始准另行挑補奉

旨著添園丁四十名餘依議欽此 十三年三月

靜宜園呈准改蓋

梯雲山館殿座請將

清漪園園丁內撥給二名園戶六名即作爲該園

額缺 道光二十三年閏七月管理

園庭事務大臣

奏准

清漪園裁撤副催長四名領催二名坐更園役六

十七名至所需更燭柴炭即行裁撤其餘坐更

園役每屆五年應領羊皮粗布即以所裁園役

差地租錢抵放毋庸向廣儲司支領 本處管

理事務大臣俱係

特旨簡派無定額

額設

三園協理事務郎中一員員外郎一員協理六品

苑丞一員六品苑丞四員七品苑副六員八品

苑副二員委署苑副六員掌稿筆帖式一員筆

帖式七員無品級催長一名頂戴相唐阿八名

額設披甲人六名園丁一百名園隸十二名廟

戶七名園戶一百八十一名木匠一名裱匠二

名桶匠一名花兒匠二名瓦匠二名搭彩匠二

名閘軍一百二十五名

公費額例

每月公費郎中一員銀三兩員外郎一員銀二

兩二錢苑丞每員銀二兩二錢苑副每員銀一

兩八錢筆帖式每員銀一兩乾隆五十九年

十月戶部

奏准在京各衙門堂司各員應得給公費銀兩暫

行滿支錢文每兩以制錢一串文數給

三園選補員役

乾隆十六年遵

旨清漪園特派專管大臣所有三園補放總領副總領

俱由本處大臣揀選人員帶領引

見二十六年七月本處

奏准嗣後

三園委署苑副之缺俱帶領引

見補放嘉慶十一年二月軍機大臣

奏准請將

清漪園委署催長四名披甲人六名虛銜頂戴概

行撤去二十年六月總管內務府

奏准

清漪園郎中缺出於本府應陞人員內揀選陞用

至該處額設題缺員外郎三員如係京察一等

或現職俸已滿者准其保送本府歸入應陞班

內揀選陞用

清漪園

靜明園

靜宜園額設題缺員外郎員缺除按班陞用公缺

郎中所遺員缺由各該處應陞人員內題陞如

經各該管堂官專摺具奏題陞該處公缺郎中

所遺員缺亦歸公缺人員陞用至六品苑丞間

京察一次准保送一員陞用內務府公缺員外

郎再各等處保送內務府人員如本處有題缺

可陞者除准其保送

盛京佐領六庫庫差驍騎校准關委員筆帖式三

處織造處筆帖式庫使等缺外其餘概不准保

送凡

三園員外郎缺出於六品苑丞內揀選六品苑丞

缺出於六品頂戴苑丞內揀選六品頂戴苑丞

缺出於七品苑丞苑副內揀選七品苑丞苑副

缺出於八品苑副內揀選八品苑副缺出於委

署苑副並掌稿筆帖式內揀選委署苑副缺出於筆帖式並無品級催長內揀選以上等缺俱由管理本處事務大臣揀選帶領引

見筆帖式並無品級催長缺出於頂戴柏唐阿內補放頂戴柏唐阿缺出於委署催長內補放委署催長缺出於額設披甲人內補放額設披甲人缺出於領催內補放領催缺出於効力柏唐阿內補放以上等缺俱由管理本處事務大臣揀

選補放園丁缺出於園隸蘇拉廟戶園戶內呈明管理本處事務大臣挑補園隸蘇拉廟戶缺出於各該管領下挑取園戶缺出於佐領下挑取匠役闡軍缺出於五城民人內招募以上等缺俱由郎中各該園員外郎挑補具稿呈明管理本處事務大臣咨行 凡每月無品級催長食三兩錢糧頂戴柏唐阿各食二兩錢糧委署催長各食二兩錢糧額設披甲人各食三兩錢

糧領催各食一兩錢糧園丁各食二兩錢糧園隸各食一兩錢糧廟戶各食一兩錢糧闡軍各食銀一兩每季各食三色米三斛

清漪園園戶二百三十三名內四名各食銀一兩養贍家口地六十畝無米石其餘二百二十九名各食一兩錢糧養贍家口地三十畝匠役各食一兩錢糧各隨養贍家口地三十畝

靜明園園戶一百五十三名內三十二名各食銀

一兩養贍家口地六十畝無米石其餘一百二十一名各食一兩錢糧養贍家口地三十畝靜宜園園戶一百二十二名各食一兩錢糧養贍家口地三十畝匠役二十名各食一兩錢糧養贍家口地三十畝

三圖考察官員

乾隆三年六月總管內務府照部議揀選一等之官員帶領引

見准其加一級者註冊遇有奉

旨保舉之時該堂官即於此項人員內揀選 十一

年十一月總管內務府

奏准

園庭等處六品七品八品總領副總領等員照內

務府七品贊禮郎八品催總之例遇京察年分

令該處將伊等分別優劣編定等次入於

奉宸苑京察本內一體具題 十八年五月吏部

議覆

奏准嗣後凡遇京察除出差人員奉公宣力有應

保列一等者仍准一體保送外至丁憂告病養

親人員離衙門未過半年者該堂官詳加察覈

如果堪列為一等亦准其保送其離衙門已過

半年者即不得復行保送 二十四年二月奉

上諭向來京察之例各部院堂官將所屬官員分別等

第若陞調未滿半年者則仍由原衙門堂官出具考

語移咨新任衙門辦理京察為澄敘大典理宜詳慎

甄擇以防濫竽該堂官等若因該員既經陞調別任

移送考語或未免意存假借殊非程材課績之義嗣

後京察人員在新任衙門年例未滿移咨前任堂官

出具考語列在二三等者仍照舊例其列為一等者

著於帶領引見時另分一班但不得因有分班之旨

轉增各部向來所定額數致滋濫觴欽此 三十三

年二月奉

上諭向來部院各衙門京察屆期所有列入一等人員

均由吏部帶領引見至二三等畱任各官並無引見

之例該堂官等以其循分供職無關黜陟之典且人

數眾多其中即有年力衰庸不無稍為姑息人材既

難考覈公務未免曠疎大典何由克副嗣後京察二

三等人員內凡年至六十五歲以上者並令吏部一併帶領引見俟朕鑒定庶曹司不致濫竽繼棧而該堂官甄別公私亦可立辨於澄敘官方益昭慎重著爲例欽此 三十五年七月呈准官員等嗣後遇有應行記過之處凡一過至三過者應照

圓明園之例送內務府辦理至委署催長等遇有貽悞差務之處仍照例本處責處 嘉慶五年

十一月奉

特諭三載考績始自唐虞至今則爲京察用人之典至要而選士之方必推氣節未有阿諛諂媚之徒而能有廉明之政者也近年以來六部堂官所拔識之司員大率以迎合己意者爲曉事之人以執稿剖辨者爲不曉事之輩以每日偃謁卑詞巧捷者爲勤慎以在司坐辦口齒木訥者爲迂拙遂至趨承卑鄙乞憐昏夜白晝驕人仕途頹風幾不可問氣節消磨殆盡成何政體耶近日堂司各官雖比前稍知檢束奔競

之風恐未能盡改總由積習相沿狂瀾難返朕思轉移風氣之方須立矜式觀摩之準現已屆京察之期各部俱應慎重選舉詢謀僉同果有猷守兼優者自膺首薦餘則寧取資格較久謹厚樸實之員其少年澆薄才華發越者亦應令其經練下屆再行保列則相觀益善更足以礪後起之俊黜華崇實於政治不無小補再京察之時尚書侍郎應各備一冊密識賢否公議之日再行同覽衆所獎許者拔之衆所屏棄

者黜之以公心辦公事勿存絲毫私意問心無愧斯可對君覈辦之時不准司官書吏家人在旁窺探亦不准預爲洩露邀譽市恩此旨着通行曉諭各錄一道懸於公署朝夕觀覽觸目警心以副朕循名責實務得真才之至意特諭欽此 十二月奉

上諭向來京察二三等人員凡六十五歲以上者另爲一班帶領引見後經改爲七十歲以上此次著仍照舊例將六十五歲以上之員通行帶領引見欽此

十二月總管內務府

奏請

暢春園等七處此次辦理京察奉

旨著仍照舊例由奉宸苑辦理欽此 九年三月奉

上諭京察為考績大典各部院衙門堂官就所屬中數

年以來供職勤慎者保列一等經吏部帶領引見奉

旨准其一等加一級所以獎勞示勸並非專為簡用

外任而設也其中有經朕察看材堪任使者特行圈

出交該堂官再行出具切實考語覆行引見以備簡

擢外任各該堂官於所屬人員或素悉其才具優長

或深信其居官廉謹原可分別註考朕因材器使於

簡用時繁簡先後自有權衡其家有老親或身非獨

子而侍養情殷者即現任外官尚可援例終養此次

京察記名後此項人員仍准其聲明留京供職外其

餘概不得以不勝外任呈請內用試思該員在京供

職即係出色之員經該堂官遴註上考豈有畀以外

任轉藉口才不稱職之理且該堂官既已舉才薦能

列名上達亦不得復以本衙門辦事需人奏請仍留

本任現在京察引見屆期著先將此諭令各衙門知

之欽此 十一月奉

旨嗣後遇有題陞保送之缺著先儘一等人員如一等

無人或一等之員遇有事故及始勤終惰者方准以

二等人員題陞保送該堂官不得意為高下欽此

十二年三月奉

上諭向來部院各衙門京察一等人員引見後經朕圈

出者俱交該堂官再行出具切實考語覆行引見以

備簡擢道府其家有老親身係獨子或雖非獨子而

侍養情切俱准其聲明留京供職至內務府一等人

員向來引見後有圈出者並不覆行引見辦理殊未

畫一內務府人員記名後既可一體簡放道府自應

交各堂官再行詳覈該員平日居官辦事出具切實

考語再行帶領引見即實有親老情願侍養者亦當

一體註明庶考績大典倍昭詳慎而於部院定例亦屬相符所有此次內務府引見京察人員卽照此辦理著爲令欽此 十四年十二月奉

上諭京察爲三載考績大典自應覈其辦事勤惰以分黜陟但必須擇其品行素端才猷茂著者登之上考方足以昭激勸若祇取浮華奔競之徒喜於趨走承順言語便捷工於迎合者卽與保薦而不按其平日之品行慎加甄別則心術稍有不端才具又何足取

且一等人員於保薦後可以帶領引見記名簡擢其次等者例不得預若猷守素優之人不獲仰邀登進於人才已多屈抑儻一等中竟有俸列之人一經記名擢用卽可由道府游擢大員其居心辦事素不可問將來必致貪酷債事關係尤重前於嘉慶五年特降諭旨令各衙門慎重保薦茲因京察屆期特再行申諭儻有不鑒擇人品率意保舉致記名擢用之後有營私敗檢貽悞地方釀成重大案件則惟原保官

是問欽此 十七年九月奉

上諭曹師曾奏慎選賢能以重京察一摺京察爲考績鉅典舉劾悉秉大公方足澄清仕路明年又屆舉行計典之期各堂官於保舉一等人員務當慎重遴選迨引見記名後復令出具切實考語以備簡用道府尤當加意甄別擇其才守兼優之人登諸薦牘不得以尋常供職者濫保充數用副朕慎簡賢良之意欽此 二十年六月總管內務府

奏准則例官員等每七員准其卓異一員筆帖式

各項達他每八員准其卓異一人 十一月奉

上諭御史孫世昌奏請嚴濫保不諳文理人員以重京察一摺所奏甚是京察爲激揚大典各部院堂官自應慎選人才以備簡用如山西雁平道福海由工部司員保列一等外放道員與己革朔州知州明祥俱不諳文理一任幕友賅蔽播弄褫革治罪此等劣員該堂官當日何以濫行薦舉著吏部查明從前濫保